

वि॒जय॑ते त॒स्माद्वा॑ऽए॒ष ए॒तैश्च॑तुर्थे मा॒सि य॑जते स वै द्य॒हम॑नू॒चीना॑हं य॒जते ॥ १ ॥
 स॒ पूर्वे॑द्युः । अ॒ग्रेऽनी॑कव॒तेऽष्टा॑कपालं पुरोडा॒शं नि॒र्वप॑त्यग्नि॒ः ह॒ वै दे॒वा अ॒नी॒कं कृ॒वोप॑प्रेयुर्वृ॒त्रः ह॒निष्य॑न्तः स ते॒जोऽग्नि॑र्नाव्यथ॒त तथो॑ऽए॒वैष॒ एत॑त्पाप्मानं
 द्वि॒षन्तं॒ भ्रातृ॑व्य॒ः ह॒निष्य॑न्नग्निमे॒वानि॑कं कृ॒वोप॑प्रेति स ते॒जोऽग्नि॑र्न व्यथ॒ते त॒स्माद्-
 ग्रेऽनी॑कव॒ते ॥ २ ॥ अ॒थ म॑रु॒द्भ्यः सा॑न्तप॒नेभ्यः । म॒ध्य॒न्दि॒ने च॑रुं नि॒र्वप॑ति म॑रु॒तो
 ह॒ वै सा॑न्तप॒ना म॒ध्य॒न्दि॒ने वृ॒त्रः सं॑तेपुः स सं॒तप्तो॑ऽनन्ने॒व प्रा॑णान्प॒रिदी॑र्णः शि॒ष्ये
 तथो॑ऽए॒वैत॑स्य पाप्मानं द्वि॒षन्तं॒ भ्रातृ॑व्यं म॑रु॒तः सा॑न्तप॒नाः सं॑तप॒न्ति त॒स्मान्म॑रु॒द्भ्यः
 सा॑न्तप॒नेभ्यः ॥ ३ ॥ अ॒थ म॑रु॒द्भ्यो गृ॑हमे॒धिभ्यः । शा॒खया॑ वत्सा॒नपा॑कृत्य पवि॒त्रव॑ति
 सं॒दोक्ष्य॑ तं च॒रुः अ॑पयति च॒रुः ह्ये॒व स य॒त्र क्व॑ च तण्डु॒लाना॑व॒पन्ति॒ तन्मे॒धो
 दे॒वा द॑धिरे प्रा॒तर्वृ॒त्रः ह॒निष्य॑न्तस्तथो॑ऽए॒वैष॒ एत॑त्पाप्मानं द्वि॒षन्तं॒ भ्रातृ॑व्य॒ः ह॒-
 निष्य॑न्मे॒धो ध॑त्ते तय॒त्क्षी॒रौदनो॑ भ॒वति॒ मे॒धो वै प॒यो मे॒धस्तण्डु॑लास्त॒मुभ॑यं मे॒ध-
 मा॒त्मन्ध॑त्ते त॒स्मात्क्षी॒रौदनो॑ भ॒वति ॥ ४ ॥ त॒स्यावृ॑त् । सै॒व स्ती॑र्णा वे॒दिर्भ॑वति
 या॒ म॑रु॒द्भ्यः सा॑न्तप॒नेभ्यस्त॒स्यामे॒व स्ती॑र्णायां वे॒दौ परि॑धींश्च श॒कलांश्चो॑पनि॒दध॑ति
 त॒था सं॒दोक्ष्य॑ च॒रुः अ॑पयति अ॒पयि॒त्वाभि॒घार्यो॑द्वा॒सय॑ति ॥ ५ ॥ अ॒थ द्वे पि॒शीले॒ वा
 पा॒त्र्यौ वा॒ निर्णे॑नि॒जति॑ । त॒योरे॑नं द्वे॒धोद्ध॑रन्ति त॒योर्म॑ध्ये स॒र्पिरा॑से॒चने॒ कृ॒त्वा स॒-
 र्पि॒रासि॑ञ्चति सु॒वं च सु॒चं च॒ संमा॑र्यथै॒ताऽअ॒दना॑वा॒दायो॑दैति सु॒वं च सु॒चं चा॒-
 दा॒योदैति॑ स॒ इमा॑मे॒व स्ती॑र्णा वे॒दिम॑भि॒मृश्य॑ परि॒धीन्प॑रि॒धाय॑ या॒वतः॑ श॒कलान्का॑-
 म॒यते॒ ताव॑तोऽभ्या॒दधा॑त्यथै॒ताऽअ॒दना॑वा॒साद॑यति सु॒वं च सु॒चं चा॒साद॑यत्यु॒पवि॑-
 शति॒ हो॒ता हो॒तृष॑दने सु॒वं च सु॒चं चा॒दान॑ आ॒ह ॥ ६ ॥ अ॒ग्रेऽनु॑ब्रूहीति ।
 अ॒ग्नेय॑मा॒ज्यभा॑गः स द॒क्षिण॑स्यौ॒दन॒स्य स॒र्पिरा॑से॒चना॑च्चतुरा॒ज्यस्या॑व॒दाया॑तिक्रामत्य-
 ति॒क्रम्या॑श्चा॒व्याह॑रिं य॒जेति॑ व॒षट्कृ॑ते जुहोति ॥ ७ ॥ अ॒थाह॑ सो॒माया॑नुब्रूहीति ।
 सौ॒म्यमा॒ज्यभा॑गः स उ॒त्तर॑स्यौ॒दन॒स्य स॒र्पिरा॑से॒चना॑च्चतुरा॒ज्यस्या॑व॒दाया॑तिक्रामत्यति-